

De Bricht vo de Jugenriege 2018

I dem Johr het d'Concetta einigi Turnstunde allei müesse durebringe. Will ich mis Chnü flicke loh an. Wie'n ihr si jo alli kenned het si das mit ihrer humorvolle und sprüzige Art beschtens umgesetzt. Mit händ zur Ziit mängisch fascht 20 Chind i de Halle s'nächshti mol denn wieder viel weniger. Mir fröged eus eifach worum sich nume die wenigste abmäldet und worum au immer alli Schulaläss genau am Donschtigobig sind – so wie d'Läsenacht oder suscht au so spezielli Sache vo de Schul.

Jetzt hämmer immer zwüsched 14 bis 16 Chind, Buebe und Meitli bi eus i de Halle im Alter vo 4/5 – 10 jährigi. Klar isch es es ganz anders Turne wurde – aber mir passed eusi Stund de Chind a und die wo debie sind händ de Plausch. Das het mer guet chönne gseh bim Hellowen Turne und wenn's nach de Chind go würdi müsst mir sich jedesmol verchleide.

De Jugitag hämmer das Johr ussegloh – wer weiss ev. Klappets jo im nächschte Johr.

Mir sind optimistisch und voll debie

Jugileiterinne

Concetta und Helga